


DE PROFESSIONE ARTIS

Heinrich Ernst Kestner, Casimir Moritz :
de Donop, Valenti Gonzaga







§. I.



Nter stupenda Dei opera, *De Præstantia hominis,*
quibus mirandam mundi aspectabilis, operumque in eo visibilium, machinam brevi dierum intervallo produxit, haud exiguum, quin

potius maximum ferè locum occupat productio hominis, creaturæ omnium nobilissimæ. Siquidem dedit huic supremus rerum arbiter non solum corpus pulcherrimum ac structuram elegantem, cujus figura omnium animantium formam vincit, ut ait *Cicero lib. 1. de Nat. Deor.* sed cum primis eundem ad imaginem suam condidit. *Gen. c. 1, v. 26.* eique divinitatis particulam, ut esset organon laudis divinæ, nimirum mentem, insevit, quâ nihil præstantius in toto homine conspicitur, imò qua proxime ad Deum ipsum accedit. Inde *Porphyrus lib. univers.* sumus, inquit, rationales nos & Dii, sed mortale appositum nos disjungit ab illis. Et *Musonius* homo, ait, solus omnium in terra degentium Dei imago est, & similes ei, cæteris paribus, virtutes habet, *add. Stob. sermon. 116.* Ut adeo homo divinum illud carissimumque Deo animal sit *Gros. de Jur. bell. & pac. lib. 3, c. ult. §. f. Dn. Pras. Jus Nat. c. 1, §. 1.*

A

§. II.

§. II.

*De miseria
hominis.*

Verum quam præstabilis, quamque conspicua etiam sit hominis natura, dignitas & gloria, patet tamen, & communis evincit sensus, hominem, si penitius eum consideres, miseriam esse creaturam. Quod si enim durationem ejus respicias, stellæ, elementa, lapides, arbores, pleræque bestię, imprimis feræ, diutius durant & vivunt, quam homines, nec tantis reliqua animalia sunt obnoxia morbis ac homines, qui pluribus mediis conservandi se in educatione, cibo, potu, vestitu opus habent: imò bestię, ratione carentes, melius homine norunt media ad conservandam sanitatem & vitam utilia. Inclinant homines naturaliter ad alliciendos sibi morbos, & abhorrent à rebus sanitatem corporis conservantibus: plerique solliciti sunt de curandis aliorum morbis, negligunt tamen communiter scientiam curandi se ipsos. Adde, quod cura hominum longe difficilior sit quam cura bestiarum. Quod vero bona animi concernit, ingentem quoque calamitatis & miserię generis humani conflictum hic deprehendimus. Præditus est homo ratione, sed stulta, cum ea à teneris unguiculis usque ad extremum halitum ægrotet. Etenim lumen rationis perpetuo duobus præjudiciis, humanæ sc. autoritatis & præcipitantię, quasi obregitur, quibus non laborat instinctus bestiarum. Veritatum cognitio, quam tamen, ubi ab affectibus est vacuus, facile & sine magno studio doctrinaque advertere potest, adeo apud ipsum turbatur ob præjudicia affectuum, ut regulariter verum pro falso, & falsum pro vero habeat, imprimis in doctrina de bono & malo. Plures & longe majores generis humani tum imbecillitates tum calamitates, & quod in homine præ brutis major ad nocendum proclivitas, astutia, impulsus ad venerem, habendi cupido, ambitio, petulantia & plurima alia vitia concurrunt, plenius tangunt *Pufend. in tr. de Off. hom. & civ. lib. 1. c. 3. §. 4. & 5. Thomasi. in caut. circa præcogn. jurispr. c. 1. §. 60. & seqq. ut & in Tr. Jur. Nat. lib. 1. c. 3. per tot. conf. Dn. Pres. Tr. de Prnd. Legist. §. 12.*

§. III.

§. III.

Quicquid tamen hujus rei, siue felicitatem, siue miseriam generis humani spectes, sit, id tamen in confesso, & extra dubitationis aleam positum est, hominem non ad otia, sed ad labores natum, & à Deo creatum esse. Patet hoc tum ex actione sanctissimi creatoris, quando hominem potentiis agendi, sine quibus corpus ejusque sanitatem conservare non poterat, instruxit: tum ex medii necessitate, dum alias nec victum nec amicum sibi acquirere, nec terram, quæ hominis causa condita est, excolere, & fructus inde provenientes sibi applicare poterat. Imò nullus mortalium sine actionibus concipi, nedum esse potest. Nam homo, ut homo, semper cogitat, & dum cogitat, mente agit ac operatur: imò, dum edit, bibit, dormit, utique aliquid agit: Et qui nihil agit, revera non nihil agit, adeoque, siue corpus siue mentem aspiciamus, homo semper aliquid agit. Vita proinde nostra nobis à creatore concessa est, velut stadium aliquod, exserendis ex dictamine rationis viribus nostris, eoque illa non reciprocatione spiritus, sed bonis actionibus metienda est. Odiosa & satis molesta est illa vox, si quis inutile terræ pondus audit, sibi inutilis, aliis gravis, numerus tantum, & fruges consumere natus, aut cui in solo vivendi causa palato est. Rectè ait *Cicero de natura Deor. lib. 2.* Mihi, qui nihil agit, esse omnino non videtur, & *Ovidius* præclare canit, mors nobis tempus habetur iners, quantum enim distant à morte silentia vitæ: Unde in statu sanæ rationi adverso vivunt, non solum qui ex facinoribus visitant, sed & qui à muneribus vitæ communibus sese præter necessitatem subtrahunt. Qui salaria sumunt & consumunt nihil agendo. Memorabile est, quod apud Chineses nemini sano, quantumvis oculis orbat, mendicare permittitur, sed hi molas trusatiles versando victum sibi parant, uti refert *Martinus in historia Sinica cap. 34.* Quia autem celeri lapsu ruit tempus, & inopinantes sæpe mors obruit, ac nemini jam eam defugere licet, idèd & maturè vita

*Homo ad
labores na-
tus.*



utendum, nec prolixa nimis tela actionum ordienda: Inter spem curamque, timores inter & iras, omnem crede diem tibi diluxisse supremum. Denique & semper velut subdutas vitæ rationes habere, & mature adversus terrores mortis animum obfirmare debemus, quo citra indignationem & trepidationem creatori, quod precario dedit utendum, reposcanti resignare queamus: alius de alio judicat dies, & tamen supremus de omnibus. *Conf. Pufend. Jus Nat. libr. 2. cap. 4. § 15. & Dn. Pres. Prud. studendi Jura §. 1. & 2.*

§. IV.

Scopus argumenti.

Cum verò labores nostri, culturam tum animi (quæ præcipua est) tum corporis respicientes, utilitatem generis humani, seu magnæ illius, uti *Grotius* inquit, societatis intendere, proindeque gloriam Dei & proximi salutem promovere debeant, quilibet enim tum viribus animi tum corporis reipubl. juvare debet, facile consequitur, omnem, quæ ab hoc scopo discedit, laborem inanem, irritum & merè speculativum, sæpius etiam perniciosissimum esse. Eo igitur annitendum, ut quis utile Reipublicæ membrum evadat, ejusque commoda promoveat: Et cum infinitæ sint, quæ ad hunc scopum tendunt; artes, pro regendo & conservando genere humano inventæ, quilibet autem artem, quam profitetur, callere debeat, nemo enim, recte monente *Pufendorffio*, ullum in Republ. officium affectet aut suscipiat, ad quod sese ineptum deprehendit, non inutile prærium operæ me facturum esse arbitratus sum, si secundum *Pufendorffii*, mox dicti, utilissimum de *Off. Hom. & Civ. Tractatum*, ejusque in specie libr. 2. cap. 18. à §. 6. usque ad §. 15. præstantiores artes, in Republ. obvenientes, pertractavero, & professionem harum exhibuero. Siquidem exactissima status & officii cujusque consideratio proderit, ut sciat quisque quid ipsi ratione illius status incumbat, quibus mediis ad id opus sit, an ipse capax sit ad actiones ejusmodi & media, an diligentiam hic debitam adhibuerit, & quomodo negligentia, hætenus commissa, sit emen-

emendanda. Quæ citra dubium capita ad jus publicum universale, à celeberrimis Jctis *Hubero & Bohmero* in formam artis redactum, spectant. Paucis autem pro indole Disputationis Academicæ hoc fiet, quia quælibet ars, mox exponenda, integrum facile tractatum implere posset.

§. V.

Inter præcipuas & maximas, quod præmittendum du-
ximus, artes, quibus genus humanum conservatur, præcipuo
& primo sane loco referenda est ars regnandi. Quid sit tot
millibus imperare, singulorum precibus aptè respondere,
gentium nationumque diversarum mores formare, consiliis
& armis tueri, sceptrâ justè regere, aut paucissimi satis anxie
examinaverunt, aut nemo. Revera videtur ars artium &
disciplina disciplinarum hominem gubernare, qui certè est
inter omnia animalia & moribus varius, & voluntate diver-
sus. Homo enim ingratus, ferox, mobilis, naturaliter paren-
di nescius & libertatis amans, non nisi arte cohibetur & pru-
dentia. Est igitur inter omnes artes ars maxima, quæ in re-
genda administrandaque Republica consistit. Cum enim
summa potestas justitiæ tuendæ causa constituta, uniceque
fundata sit: siquidem summi Principes Dei sunt vicarii, Dei
in hisce terris vices tuituri, idque operaturi, ut pax & tran-
quillitas in societate humana conservetur, turbata autem re-
stituatur, quem in finem civitates sunt stabilitæ, faciliè con-
sequitur, omnia Reges aut Principes media conquirere de-
bere, quo hic finis obtineri possit, salus enim populi suprema
lex est. Et cum hæc omnia sive ad pacis sive ad belli tem-
pora, seu ad quatuor ista cardinalia, quæ in Republ. obveniunt,
jura, nimirum jus Principis sacratum, legale, regale & arma-
rum, reduci possint, ante omnia Principes ipsi diligenter dis-
cant, quæ ad plenam ejus officii & artis cognitionem perti-
nent, cum nemo laudabiliter exercere possit, quod non probè
didicit. Unde, rectè monente *Pufendorfio in d. tr. de Off. hom.
& civ. cap. 11. §. 2.* Principi sequestranda illa studia, quæ ad
huncce

*De Arte &
officio im-
perantium*

huncce finem nihil faciunt, circumcidendæ quoque voluptates, oblectationes, vanæque occupationes, quatenus istum finem intercipiunt: ideo & in familiaritatem admittendi viricordati, rerumque humanarum periti: adulatores, nugatores, & qui præter inania nihil didicerunt, procul arcendi. Enimverò ut generalia artis prudentiæque reëtrici præcepta ritè applicare norit, quam penitissimè ipsi conditio sui status subjectique indoles populi est cognoscenda. Illisque præterea virtutibus cumprimis studendum, quarum usus in tanta molis administratione maximè conspicitur, moresque ad tanti fastigii dignitatem componendi, quo de plenius egit *Dn. Prof. in tract. de Jurispr. §. 6. 8. 9. 10. & in Prudentia Legislator. §. 28. seqq.* Memorat *Tacitus* de Tiberio, Augustum in hoc imitante: Eum proferri libellum recitarique jussisse, in quo publicæ opes continerentur, quantum civium sociorumque in armis, quot classes, regna, provinciæ, tributa aut vectigalia & necessitates aut largitiones, quæ cuncta sua manu præscripserat Augustus: Optimum foret, si quælibet in republ. collegia quotannis Principi statum cujusque collegii subditorumque, & quomodo commoda Reipubl. promoveri, defectus autem sanari queant, per modum relationis aperire deberent. Ut autem tum interna tum externa civitatum tranquillitas obtineatur, necessum est, ut non tantum idoneæ hunc in finem leges subditis præscribantur, sed & publica disciplina ita sanciat, ut non tam metu suppliciorum, quam assuetudine cives ad legum præscripta sese componant. Siquidem magnum hoc, ex tot diversis ingeniis conflatum, corpus absque legibus diu subsistere nequit, hinc rectè ait *Plato lib. 9. de legibus*: si homines absque legibus viverent, nihil à feris atrocissimis discreparent, &, nisi publica essent judicia, alter alterum vivum deglutiret. *Gros. de J. R. & P. l. 1. c. 3. §. 4.* Cum verò potissimum propter improbos leges condantur, multitudo legum certissimum status corrupti est indicium, & sæpe internam quietem & unionem
inter



inter subditos magis destruit, quam promovet. Dixerat jam Plato, indicium corruptissimæ Reipubl. esse, ubi multi Medici & Judices deprehenduntur. Docet pariter experientia, Imperantem plus bono exemplo, quam infinitis legibus Reip. prodesse; Regis enim ad exemplum totus componitur orbis: quin bonum exemplum est lex viva, quod subditi penitus intuentur, quam leges, quas imperantes contrario suo exemplo conculcant: & boni subditorum mores plus profunt Reipubl. quam tot scriptæ leges: quin & quo simpliciores sunt leges naturales, cordibus nostris impressæ, eò aptiores sunt ad conservandam quietem internam, quo simplicius enim vivitur, eò minus corrupti sunt mores. Positivæ verò leges, quia ab hac simplicitate recedunt, ad plures lites solent suppeditare occasionem, imò per has sæpe luxus, ambitio & avaritia, velut sentina omnium malorum, augentur, ut nonnulli non iniquè dixisse videantur, leges non rarò esse instrumenta dominationis. Legibus itaque civilibus plura non sunt sancienda, quam quæ ad bonum civitatis & civium conducunt. *Confer. Dn Böhmer. introd. in Jus publ. univers. lib. 2. cap. 3. §. 1. & seqq. & de prudentia leges condendi Dn. Præf. Disput. de Struct. Leg.* Præterea competit imperanti jus mediis sanæ rationi convenientibus subditos constringendi, & potentiam eorum minuendi, ne quid audere possint contra statum publicum, frustra enim de remediis contra morbos, Rempubl prementes, quæstio instituitur, nisi fontes morborum fuerint detecti. Malum istiusmodi internum statui publico imminet vel à nimia paucorum auctoritate. & potentia, vel à nimia plebis libertate, utrumque gravissimas communiter turbas & factiones excitare solet: ita tamen hisce malis obex ponendus, & in genere jus reformandi exercendum est, quatenus absque majoris mali metu fieri, & status Reipubl. illibatus servari potest, alioquin non iniquè Imperans quædam Reipubl. incommoda & mala tolerat, ne totum corpus interitui exponat: istiusmodi etiam media ita debent esse

esse comparata, ne juri publico universali adversentur: quo posito, nullum jus imperanti competit è medio removendi eos, quos sibi & Reipubl. suspectos credit, cum adversus metum incertum saniora adsint consilia. Ulterius in exercitio juris reformandi causæ morborum spectandæ sunt. Causa morbi interni potissimum ex vicio status, per leges publicas malè adornati, resultat, quando hæ vel turbas movent, aut id operantur, ut negotia publica, ea cumprimis, quæ securitatem internam respiciunt, segniter & difficulter expediri queant. Neque tamen Imperanti jus competit sub prætextu melioris status introducendi leges fundamentales, quibus ipse ligatur, dissolvendi & annullandi, atque alium statum adornandi, nisi fiat consensu eorum, quorum interest. Quia autem frustra feruntur leges, si impunè eas violari tolerant summi imperantes; igitur horum est, executionem earundem procurare, &, ut quivis suo jure potiat,ur circa lentas moras, elusiones atque vexationes, efficere: pœnas quoque sumere pro cujusque facti conditione, transgressorisque intentione & malitia, nec sine sufficiente causa veniam indulgere. Siquidem remissio pœnarum debet fieri (1) sine læsione juris publici, (2) privati, (3) parce, (4) prudenter. Uti autem, nihil pœnis est sanciendum, quod non ad usum civitatis facit, ita pœnæ quoque sunt temperandæ, ut ad finem istum proportionem habeant, utque adeo cives non plus afflictionis, quam Respubl. utilitatis inde ferat. Ad internam Reipubl. tranquillitatem cumprimis facit, ut doctrina christiana pura illa & sincera in civitate vigeat, ac in scholis publicis talia tradantur dogmata, quæ cum fine civitatum conveniunt. Siquidem officium Principis circa sacra in eo consistit, ut floreat in Republ. vera religio & pietas, (hæc autem magis in obedientia erga ejus præcepta universalia, quam in speculationibus mysteriorum quærenda) ut ritus & ceremoniæ externæ in Republ. nec abundant, nec deficient: abundantia facile dat occasionem superstitioni, defectus carentiæ religionis.

Cere-

Ceremoniis externis opus ob vulgus & plebem, abundantia cavenda, ob totum populum: præcepta tamen amoris & virtutis in Republica magis doctrina & exemplo, quam legibus pœnalibus stabiliuntur. Tolerandi errantes, non persequendi, modò pacificè vivant: persecutio errantium, & potestas excommunicandi, clero indulta, sunt ferè unicum & potissimum fulcrum extorti Principibus à clero imperii circa sacra. Quod si verò errantes hanc tolerantiam respuant, emigrent: si pacem publicam turbent, justè pœnam incurunt. Ceremoniæ superstitionis violenter non sunt tollendæ. Optimum autem hoc posteriori in casu remedium erit, ut populus sermonibus placidis & rationalibus de superstitione ceremoniarum convincatur, & libertas permittatur cœtui errantium iis utendi & non utendi. Maximoperè verò prospiciendum erit ministris ecclesiæ, ne amittant alimenta per sublationem ejusmodi ceremoniarum. *Dn. Thomas. cant. circ. præcogn. Jurispr. Eccles. cap. 17. §. 35, usque ad finem.* De bello, de tributis, de incrementis civium & quomodo illa temperanda, hæc promovenda, infra agetur.

§. VI.

Perspectis in genere illis fontibus, quæ artem regnandi concernunt, & cum Princeps solus omnia obire non possit, sed opus habeat magistratibus & ministris, quibus tanquam oculis & auribus manibusque & pedibus utitur, ipse verò in summa Reipublicæ arce residens cuncta contempletur. Siquidem consilium Principi idem, quod omnes ipsius sensus, ipsius intellectus, ipsius memoria, ipsius denique oculi, ipsius aures, vox atque manus ipsius; populo verò est pater, est tutor, est curator: Necessum jam est, ut artes multifariorum in Republica ministrorum officialiumque secundum præallegatum *Pufendorffii libellum de Offic. Hom. & Civ. & quidem ex cap. 18. §. 7. & seqq.* demonstramus.

*Connexio
dicendorum,*

B

§. VII.

§. VII.

Ex Pufend. Tr. de Off. ejusque lib. 2. cap. f.

Qui consilio suo rectoribus civitatum adfistunt, in omnes Reipubl. partes aciem mentis convertant; quæ ex usu Reipubl. videbuntur esse, dextræ & fideliter citra affectus ac prævios respectus exponant; salutem Reipubl. in omnibus consiliis pro scopo habeant, non proprias opes, aut potentiam: prævios affectibus principum adulando non veliscuntur, factionibus & coitionibus illicitis abstineant: nihil, quod dici oportet, dissimulent, nihil, quod taceri oportet, eliminent: exterorum corruptionibus impenetrabiles sese prabeant; privatis suis negotiis aut voluptatibus publica negotia non posthabeant.

EXEGESIS.

§ 7. De
officiis &
arte mini-
strorum.

Qualitates & virtutes tum ministrorum tum consiliariorum latius exposuit Dn. Pras. in Tr. de Jurispr. Illustr. §. 21. Minister status πολυματικός, i. e. in omnibus scientiarum & artium generibus, quæ ad tam arduum munus requiruntur, instructissimus esse debet, similis enim est inexhausto mari, in quod omnes sapientiæ & artes ingrediuntur, & arcano quasi modo in utilitatem Reipubl. rursus egrediuntur. Tenentur itaque summi imperantes ad munera civitatis adhibere viros probos & idoneos, & in eorum acta subinde inquirere, eos denique, prout rem gessisse deprehenduntur, præmiis vel pœnis mactare, quo cæteri intelligant, non minore fide ac diligentia publicam, quam propriam, rem tractan-

tractandam, Optimè docet *Plato*, non tantum situm esse in legibus condendis, quantum in magistratibus bonis: *vid. Dial. 6. de republ.* Rectè autem monet *Pufendorffius*, illa à Consiliario, remotis affectibus & pravis respectibus, esse peragenda, quæ usum, quæ salutem Reipublicæ pro scopo habent, salus enim populi utrobivis immutabilis debet esse lex & perpetua agendi norma. Ubi autem affectus, ubi munera, quæ homines Deosque placant, imperium tenent, ibi non nisi infelicissimus Reipubl. status esse potest. Maximum studium, maxima hominis cultura in reprimendis pravis affectibus, qui omni momento nos premunt, consistit. Fortior est, qui se, quam qui fortissima vincit, moenia, id quod principia honesti satis docent, quo de conferri meretur *Dn. Thomas. in Tr. de Fundam. jur. nat.* Verum quidem est tritum istud: qui nescit dissimulare, nescit imperare, ut proinde Consiliarius, exigente publica salute, & simulare, & dissimulare, & tacere debeat. Nam cui grave est tacere, ab eo magnæ res sustineri nequeunt. Magnum est Reipubl. munimentum consilia habere secreta; ignorata consilia omnibus partibus minantur, valentque non parum ad inimicitiam nostram aliorum distrahendam: nimia fiducia servituti obnoxia est, & qui nimium patet, suus esse non potest. Nihil tamen, uti Autor rectè monet, quod dici oportet, dissimulent, nihil, quod taceri oportet, elirinent. Siquidem bonus Consiliarius non debet celare veritatem, patriæ & principi utilem, etiamsi in periculum vitæ inciderit. Melius enim & laudabilius est perdere vitam, quam suppressere salubre consilium. Non verò, si juramentum suum religiosè servare velint, privata negotia aut inanem voluptatem publicis negotiis præferre debent. Cogitent Consilarii serio seduloque, an, quod aggrediuntur, Reipubl. utile, Deo gratum, gerentibus gloriosum, & promptum effectus, vel certe non arduum sit. Sit adeo Consiliarius sermone acutus, in responsis promptus, facilis ad intelligendum, in instruendis aliis expeditus & clarus, in facetiis jucundus, in seriis circum-



spectus: sciat se iis, quibuscum habet aliquid negotii, accom-
modare, sive illi boni, sive sint mali, semper tamen salva ipsa
virtute. Opera ingenii magni sunt viva, sunt efficacia, assidue
est occupatum, vult videre omnia, audire omnia, tangere
omnia, prætermittit nihil, legit quam plurima, confabulatur
cum omni genere mortalium, scire avet præterita, intelligere
præsentia, assequi futura vel ipsa etiam conjectura. Imprimis
verò Consiliarii ea, quæ Principis personam, dignitatem, re-
galia & jura tam sacra quam profana concernunt, respicere,
& quomodo hæc tum conservari, tum licito modo augeri
queant, prudenti consilio suppeditare debent, quo nomine
exactam totius territorii, omniumque in eo viventium co-
gnitionem, qualia status, qualia subditi privilegia, jura & con-
cessionem habeant, item fœdera, sanctiones & pacta, sive cum
extraneis principibus, sive cum subditis inita, accurate no-
scent, & hæc omnia, cum primis quæ in statum publicum in-
fluunt, in peculiari libro colligant, quo de conferri meretur
Seccendorff in den Teutschen Juristen-Staat / ubi in fine sub-
jicit *einem ausführlichen Entwurff etlicher Bestallung der vors-
nehmsten Aempter*: addi debent *Dr. Lünig* opera, quando
alia & alia documenta, publicum statum concernentia, in va-
stissimis nuper operibus laudanda industria collegit. In-
terea circa aulicam vitam duos subjungimus versiculos:
Aula locus, fortuna suos ubi lubrica ludos ludit, & eludit,
nunc hos, nunc dejicit illos. Interea, si placeas Christo fa-
cilis jactura potentum est, latius imperium Cæsare Christus
habet.

§. VIII.

Ex Pufendorff.

*Qui publice constituti sunt ad sacra obeunda, in
iisdem gravitatem & attentionem adhibeant, ve-
ra de cultu Numinis dogmata proponant, eorum,
quæ*



quæ ipsi docent, populo sese conspicuum exemplar exhibeant, nec pravitate morum muneri suo dignationem, doctrinæ pondus detrahant.

EXEGESIS.

Arduum est Dd. ecclesiæ officium, quod in interpretatione doctrinali verbi divini, in adhortatione ad amorem Dei & proximi, in coërcitione & animadversione impiorum placida, in consolatione & erectione infirmorum & fidelium, & ut paucis dicam, in docendo, hortando, monendo & arguendo consistit. Proinde Doctor Ecclesiæ pensitare debet quid loquatur, qualiter loquatur, & quantum loquatur, si enim horum unum deficiat, locutio apta non erit. Quare inutiles disputationes, intempestivæ condemnationes hic procul abesse debent. Siquidem christianæ Theologiæ veritas citius impetratur orando, quam invenitur disputando. Plus proficit amica correctio, ex sincero christianoque amore suscepta, quam accusatio turbulenta, illa pudorem incutit, hæc indignationem movet. Plus juvat optimum doctoris exemplum, quam mille adhortationes. Quin tota religionis vis in eo consistit, ut merito Christi innixus Deum ante omnia, proximum verò sicut te ipsum ames. Lubet hic aliquas studii Theologici cautelas ex illustribus *Thomasi Cantel. circa præcogn. jur.* referre, & quidem ex *cap. 18. §. 23.* (1.) Sapientis fidei & Theologiam non debere esse carbonariam. (2.) Sapientem debere intelligere ea, quæ in Theologia credit. (3.) Scilicet eo modo, ne credat impossibilia & contradictoria. (4.) Unde & dicta Scripturæ sic exponenda, ne inde sequatur contradictio, (5.) Solam Scripturam non irrationabiliter explicatam esse judicem controversiarum theologiarum. (6.) In studio theologico quærendos esse terminos rationis & fidei. (7.) Non omnia vera esse, quæ dicuntur ab orthodoxis de heterodoxis, sed hos ipsos esse audiendos vel legendos.

§. 8. De
Officio sa-
cra docen-
tium.

gendos. (8.) Non odio esse prosequendos heterodoxos. (9.) Cavendam esse Theologiam scholasticam, tanquam fontem litigiorum theologicorum. (10.) Eamque etiam in nostris Academiis à fermento doctrinarum ineptarum nondum esse satis purgatam. (11.) Serio operam dandam studio historię ecclesiasticę genuinę utriusque fœderis. (12.) Non esse præstandum juramentum religionis contra conscientiam. (13.) Cavendum esse à studio theologico, solis mysteriis speculativis incumbente, neglecto mysterio pietatis. (14.) Nihilominus tamen & studium pietatis caute tractandum. (15.) Cavendum à scriptis Theologorum, pietatem apertè impugnantium. (16.) Item à studio calumniandi dissidentes, etsi impune aut sub spe præmii.

§. IX.

Ex Pufendorff.

Quis publice injunctum, variarum scientiarum animos civium imbuere, nihil falsi aut perniciosi doceant: vera autem ita tradant, ut auditores iis assentiantur, non tam assuetudine audiendi, quam quia solidas eorundem rationes perspexerunt: omnia dogmata, ad societatem civilem turbandam directa, fugiant; omnem scientiam humanam inanem habeant, ex qua nulla in vitam humanam & civilem utilitas redundat.

EXEGESIS.

§. 9. De
Disciplina
in genere.

Recte monet autor noster, ea cum primis studia esse pertractanda, quę manifestissimum in rebus humanis usum fiunt: siquidem doctrina ad factatendere, & non otii, aut dissertationis causa, adhiberi debet, inutilia studia non studia, sed

fed temporis dispendia sunt. *Confer. Dn. Pres. Diff. 1. de Valore Digest. §. 1.* Quam verò communiter ab hoc scopo discedatur, & orbis terrarum inutilibus plerumque quæstionculis torqueatur, experientia quotidiana non clamat, sed exclamat. Pulchrè ait *Mr. l'Abbe de Bellegarde in tr. Reflexions sur le ridicule dans l'avertissement P. 2. in fin.* La plus part des choses, dont on dispute avec tant de chaleur sont frivoles, & de nulle consequence, mais l'on se fait un point d'honneur de remporter une victoire chimerique. Omnia, uti diximus, studia in gloriam Dei & utilitatem Reipubl. tendere debent. Si quidem sapientia est cognitio veri & boni, conjuncta cum boni desiderio & praxi. Vera sapientia, remotis præcipientiæ & autoritatis humanæ præjudiciis, vivam boni humani cognitionem involvit. Frustra enim cognoscitur verum, nisi & bonum cognoscatur, frustra bonum cognoscitur, nisi adsit constans boni desiderium ejusque actio & praxis. Praxis autem absque cognitione non datur. Veritas est convenientia cogitationum nostrarum cum natura rerum. Natura rerum cognoscitur experientia & meditatione. Fundamentum cognoscendi est rectus sensuum & idearum usus. Bonum est, quod potentias hominis conservat & corroborat. Ducit ad hanc nos agnitio propriæ miseriæ, & inde profluens sapientiæ desiderium, medium ad hanc perveniendi nobis sistit tritum istud: Ora & labora. Sufficiunt hic tres libri, liber naturæ, liber conscientiæ & liber Scripturæ, in qua nempe scriptura omnes partes, ad veram sapientiam & sui ipsi naturæque cognitionem & felicitatem spectantes, item officia & jura omnium omnino hominum, in quocunque statu viventium, plenissime exhibentur. Ordo autem in studiis observandus tribus ferme monitis: ne quid intempestive, ne quid confuse, ne quid absque fructu fiat, absolvitur. Studioli a deo sapientiæ diligenter viros doctos audiat, selectos libros legat, lecta & audita sedula meditatione recolat, ac denique prudenter conversetur, & hæc omnia ita temperet, ut æternis viciis

vicibus sibi succedant, nunquam eum obruant. Illa igitur studia amplectenda, quæ pacem, felicitatem & commoda generis humani promovent. Illa autem studia, quæ vel vanam spirant eruditionem, aut in meris consistunt speculationibus, sequestranda sunt. Ad studia generi humano proficua spectant Medicina, Theologia cum primis practica, vera Jurisprudentia, sanior Philosophia, disciplinæ mathematicæ v. gr. arithmetica, geometria, architectura civilis, historia. Equidem Facultas Medica viam monstrat, quomodo sanitas corporis, conservetur, & turbata reparetur. Jurisprudentia docet modum pacem externam politicam promovendi, conservandi, reparandi. Theologia docet, ex lumine revelationis modum perveniendi ad pacem internam conscientiæ, à qua dependet felicitas futuri seculi. Historia & philosophia sunt duo oculi sapientiæ, hæc tradit regulas, illa supplet exempla. Regulæ prudentiæ & morum justi, decori, honesti, ex philosophia haustæ, per facta historica illustrantur, & in plena quasi luce collocantur: istæ verò regulæ faciunt, ut de actionibus ab historicis, in literas relatis, prudenter judicare queamus. Idoneus autem de veritate historica judex imprimis callere debet communem naturam humanam & peculiare temperamentum morale personæ, de qua agitur, item statum & conditionem Reipubl., in qua hæc vivit. Debet prudentia callere dijudicandi, an & quousque fidendum sit historico? an partibus addictus, an nimis credulus fuerit? unde sua hauserit? an rem sine amoris aut odii vel alterius affectus indicii proponat? an nimis affectet, ut lectorem de veritate rei, quam describit, persuadeat: &, ut verbo dicamus, quatuor proprie boni historici requisita sunt, ut nimirum sufficientem habeat rerum, de quibus scribit, notitiam, ut veritatis sit studiosissimus, ut stylum decenter adhibeat, ut iudicio morali & politico instructus sit. Optimum verò historia usum sistet, si quis in hac deprehendat imagines virtutum & vitiorum, morum honestorum & turpium, & quod

*De historia
& officio
historici.*

& quod his uti possit tanquam præparatione ad prudentiam politicam acquirendam. Adminicula sapientiæ acquirendæ sunt linguæ. Loquitur sapiens ut intelligatur, linguæ non tam ex regulis grammaticis, quam usu & exercitio addiscuntur. In autoribus legendis à talibus initium faciendum, qui & intellectu faciles, & lectu jucundi. Lingua latina cuivis erudito proficua, sed & lingua Hebraica, Græca, Italica, Hispanica, cum primis Gallica, Germanica & Anglica maximam tam in scientiis, quam in publicis negotiis utilitatem ostendunt. Eo autem in linguis annitendum, ut secundum genium ejusque linguæ benè & perspicuè mentem nostram exprimamus, & adeo à nimia brevitate, verbositate & solito loquendi aut scribendi genere, ut et inani syllabarum & literarum aucupatione abstinamus. Uti Grammatica recte, ita poësis & rhetorica ornate loqui docent, illa in ligata, hæc in soluta oratione, quæ iterum magis usu & frequenti lectione, quam multifariis præceptis addiscuntur. Siquidem oratores nascuntur, nec adeo arte præparantur. Vera oratoria est ars ornate & ordinate dicendi eo fine, ut homines reddantur sapientes, probi & honesti. Fucata autem affectus per varios colores quæritos commover. Præsupponit oratoria præcepta prudentiæ. Doctrina moralis ostendit, quid loquendum. Prudentia & decorum auditorum animos conciliant. Historia exempla suppeditat & argumenta. Tres autem persuasionis, in qua oratoris vis & virtus consistit, sunt fontes, autoritas loquentis, dispositio audientis & artificium seu modus loquendi. Fugiendus itaque in oratore est humilis & sublimis stilus, qui communiter profunde obscurus, inflatus, jactabundus & floribus poëticis nimis abundans esse solet. Mediùs stilus non excludit ornatum loquendi, sed hic magis in modesta & gravi perspicuitate, quam in artificiose conquisitis vocabulis & figuris quærendus. Media igitur via amplectenda, ut stilus nec vaga verbositate tardiosus, nec nimis brevitate obscurus, sed porius ita temperatus sit, ut

De linguis.

De poësi & oratoria.

semper magis in cogitationibus, quam in verbis largior invenitur. Cum verò ars oratoria singulare Deidonom, & belli pacisque temporibus valde necessaria sit, qua nec Principes, nec Ministri, nec omnes illi, qui regendæ Reipubl. admoti sunt, carere possunt, & quia tum publicis tum privatis collo-
 cutionibus negotia humana determinantur, hanc maximo cum studio excolendam esse, nemo negabit. Politicus etsi non debeat esse loquax, quam maxime tamen debet esse elo-
 quens, & artis persuadendi probe peritus. Docet per jam dicta vera philosophia, quomodo ratione recte uti, & honeste vivere debeamus. Cognitio veritatis dependet ab intel-
 lectu, ejusque vires & limites examinat Logica, voluntatis cor-
 ruptioni repagulum opponit Ethica seu doctrina moralis. Ratio donum Dei est, quam non excolere, sed contemnere, id verò idem est, ac pro beneficiis ingratum semet exhibere. Fundamentum cognitionis omnis sunt sensus, qui, si recte constituti & adhibiti, nunquam fallunt. Et inde ratio in se considerata, & sensus, tanquam instrumenta sua, decenter adhibens, semper recta est. Examinanda est finitudo intel-
 lectus, cum sit arte cognitionis humanæ limites sint. Maxima intellectus nostri infirmitas est. Distinguere debemus inter veritates certas & propositiones inutiles, cogitantes, pauca à nobis certo sciri, multa probabiliter tantum cognosci, plu-
 rima ignorari. Dubitatione quidem hic opus, sed modesta, sed erudita, in recta ratione fundata, & ex gravi prægnantique causa suborta. Cum primis verò tum autoritatis tum præ-
 cipitantis præjudicia vitanda, opus pariter hic est doctrina de interpretatione. Doctrina syllogistica verò nihil con-
 fert ad inveniendam veritatem, sed est saltem modus in aca-
 demiis receptus. Mathesis exhibet doctrinam de quanti-
 tate. Studia mathematica sunt longè utilissima, utpote quæ non solum stultis, sed & sapientibus succurrunt, cum reliquæ facultates & disciplinæ vel impietatem, vel insignem homi-
 num stulticiam præsupponant. Ità Theologia supponit impi-

De Logica.

De mathesi.

impietatem, Jurisprudentia bella & rixas, Medici ex intemperantia aliorum potissimum vivunt. Et Arithmetica quidem, quæ fundamentum reliquarum est, non solum purgat intellectum à præjudiciis, & judicium acuit, sed & omnium statuum hominibus, imo ipsis omnium facultatum eruditis est utilissima. Patribus familias, agricolis, mercatoribus, mechanicis, militibus, aulicis, cum primis cameralibus valdè prodest eadem, & nocet ejus ignorantia. Geometria præcipue opus habent agricolæ, mechanici & camerales. Musica multa admiranda habet, ratione effectuum & recreat & commendat. Optica valdè delectat, & sine ea pictura inanis est. Calendariorum usus magnus est. Architectura inservit commoditati, acquisitioni, defensionis & omnibus gentibus accepta est tam in bello quam in pace. Nobilissimam esse disciplinam, quæ mores format, voluntatem emendat, & ad ductum naturæ & scripturæ convenientem de vera felicitate hujus vitæ modum, mediaque ad eam perveniendi suppeditat, nemo in dubium vocabit. Intentio autem generalis medicinæ moralis esse debet, ut passiones excedentes deprimantur, deficientes excitentur, & ità omnes tres cupiditates quasi ad æquilibrium redigantur, in quo æquilibrium adeo querendus est conceptus amoris rationalis. Equidem sapiens vir quotidie in agnoscenda & oppugnanda imbecillitate propria pergit, atque affectuum, etiam moderate noxiorum, ulteriorem moderationem sibi comparare intendit. Spectat huc doctrina de decoro, secundum quam homo cum ratione intendit sibi parare amicos. Parantur autem amici amore & factis laudabilibus, amorem aliorum testantibus, amor vero declaratur per actiones externas tanquam signa. Signa sunt vel communia omnibus hominibus, vel peculiaris singulis. Illa pertinent ad decorum juris naturæ, hæc ad decorum stricte dictum seu politicum. Decorum politicum autem est imitatio rationalis, ex virtute complacentiæ orta hominum nostri status, qui pro præcipuis ac præstantissimis

C 2

haberi

De Ethica,

De Decore,

*De Politica
sum publi-
catum pri-
vata,*

De Physica,

*De Medi-
cina,*

haberi solent in actionibus, quæ non repugnant regulis universalibus honesti, decori & iusti. Regula est: conversare cum decore viventibus, attende ad eorum mores, imitare eos. Uti verò Ethica quid honestum, quid decorum, ita politica, quid prudens & utile sit, exponit, & vel publica vel privata est: illa, quomodo Respubl. regi, ejusque incrementa promoveri debeant, exponit, quo de jam actum & ulterius agetur, & ethicam præsupponit; quomodo enim alios reget, qui se ipsum regere nescit: hæc verò regulas tradit, quomodo homo in quocunque statu actiones suas prudenter instituere debeat. Physices studium maximam affert utilitatem, meritoque excolendum, quid enim pulchrius, quid præclarior, quam admiranda naturæ opera intueri. Verum effectus saltem in physicis videmus, causæ internæ formatrices latent, nec per ulla sectiones anatomicas, microscopia aut invēta nostris sensibus possunt exhiberi, imò & tenuissimæ materiæ particulæ sensus nostros fugiunt. Apodictica rerum physicarum scientia generi humano plus fortè damni, quam commodi, afferret, Quotusquisque enim ea uteretur ad bonum finem? Alchemiæ, veneficiis, operationibus magicis non exiguus hominum numerus incumberet. Quod causas & principia corporum naturalium concernit, verosimile videtur, inesse illis vim aliquam agendi invisibilem & potentias operatrices, ista vis materiæ tribui non potest, cum hæc sit ens mere passivum. Magna Physicam inter, Medicinam & Ethicam est affinitas. Ex natura fluunt mores, naturam hominis considerat physicus, quidni & naturam affectuum! curatio eorum pertinet ad doctrinam moralem, quæ naturam aberrantem quoad morbos animi corrigit, uti medicina quoad morbos corporis. Ante omnia verò serio meditaaberis, sanam philosophiam esse præparationem ad mortem, adeoque mortem non esse timendam sapienti tanquam omnium terribilium terribilissimum, sed expectandam quiete, tanquam rem magis bonam, quam malam, interim Deo rationem esse reddendam

dendam de mortis spontanea acceleratione, aut neglecta cura sanitatis & vitæ. Anima suo modo est vita hominis, & considerari potest vel prout dictamen rectæ rationis observat, eique obsequitur, vel prout ægrotat, id est passionibus & affectibus est obnoxia. In prima consideratione morbis corporis resistit, in secunda morbos accelerat. Ratio hominis corrupta, & affectibus obnoxia, plerorumque morborum causa. Ex quo apparet, quod frustra medico studio operam daturus sit studiosus sapientiæ, si sanitatem corporis quærat absque cura animi, & quod dimidium cæpti obtinuerit, si incipiat à cura affectuum humanorum seu morborum animi. De quibus omnibus per indicem à nobis relatis & excerptis conferri merentur *Illustr. Dn. Thomasi Cant. circ. præcogn. Jurispr. per tot. & celeberrimi Rierlingii nostri Lineamenta Methodi Studiorum. Conf. etiam quoad Politicam privatam Heumannii Politicæ Philosophus, & Dn. Pres. Tr. de Prudentia Studendi Jura.*

§. X.

Ex Pufendorff.

Qui juri dicundo præficiuntur, quibusvis facilem accessum præbeant, plebem ab oppressionibus potentiorum protegant; jus aequè pauperi & humili, quam potenti & gratioso, dicant; lites ultra necessitatem non extrahant; à corruptelis abstineant; in cognoscendis causis diligentiam adhibeant, omnesque affectus, sinceritatem judicii corrumpentes, seponant; rectè faciendo neminem timeant.

EXE-

EXEGESIS.

§. 10. De
officio judi-
cium &
J. Ciornm.

Magna justitiæ vis, necessitas & utilitas existit, & hæc unica, uti sæpius alibi dictum, causa est, quare Reges, Principes, omnisque potestas summa à Deo est constituta: preinde ii, qui juri dicundo à Principe sunt præfecti, omnem ingenii nervum eo intendere debent, ut, remoto omni personarum respectu, immobile juris & æqui fundamentum observent: justitia namque pura & simplex est, quæ omnem istiusmodi respectum respuit: Sit adeo Judex (1.) castus & pudicus, (2.) perquisitus & eruditus, (3.) taciturnus & secretus, (4.) habitu & cultu modestus, (5.) incessu compositus, (6.) solitarius, (7.) aspectu vehementi & formidabili malis, (8.) oculatus Argus, (9.) humilis & non superbus, (10.) reverendæ tristitiæ, (11.) gravis sine fastu, (12.) sanctus, (13.) severus, (14.) incorruptus, (15.) inadulabilis, (16.) immisericors contra improbos, foris & intus charitate plenus, (17.) inexorabilis, erectus & arduus, (18.) vi & majestate potens, (19.) æquitate & veritate terrificus, (20.) librorum cumulo circumdatus & studens, quo de confer. *Gabriel Alvarez de Velasco in Tr. de Judice perfecto*. Præterea non tantum patria & communia, verum cumprimis naturalia jura exactissimè tenere debet. Munera non accipiat, justitiam strenuè exerceat, amicabilem in omnibus causis compositionem tentet, jurisdictionem Principis maxime conservet, nec, ut inde quis eximatur, admittat, causam legitimo ordine pertractet, lites abbreviet. *Conf. Dn. Pres. tr. de Prudent. Legisl. §. 47. & Intr. ad Stud. Jurispr. §. 10.* Nulla enim gravior calamitas Rempubl. afficere potest, quam quæ ex diuturnitate processuum & temerario litigandi pruritu resultat. *Rec. Imp. de An. 1654. §. 34.* Rectè pariter monet Autor, judicem, sepositis omnibus affectibus, sinceritatem judicii corruptentibus, in cognoscendis causis maximam adhibere diligentiam debere: cum enim facta sint infinita, quorum levis.

levissima circumstantia non quidem jus, sed tamen applicationem juris variare & alterare potest, adeoque præsuppositis justis principiis, quæ judex exactè calleat, singulæ in quocunque casu circumstantiæ accuratissimè sunt ponderandæ; facit huc famosus ille versiculus, quis, quid, ubi, quibus auxiliis, cur, quomodo, quando. *Confer. Dn. Pras. Tract. de Prudentia Legislatoria §. 47.*

§. XI. & XII.

Ex Pufendorff.

Quibus armorum cura commissa, milites diligenter & tempestivè exerceant, & ad tolerandos militiæ labores firment, disciplinam militarem sartam tectamque habeant, milites hosti jugulandos temere non obficient; annonam & stipendium, quantum in se, promptè procurent; nec de eo quicquam intervertant; milites semper ut Republicæ faveant, curent, nec unquam eos sibi adversus Rempublicam concilient. Milites contra stipendiis suis contenti sint; ab expilandis & vexandis paganis abstineant; labores pro tuenda Republica libenter & strenuè obeant; pericula per temeritatem non arcessant, per ignaviam non defugiant; fortitudinem in hostem, non in commilitones ostendent; stationem assignatam masculine defendant, honestam mortem turpi fuga & vitæ præferant.

EXE.

EXEGESIS.

§. 11. De
arte & offi-
cio mili-
tantiū.

Exercent summi Principes jura sua in subditos per imperium, in extraneos, superiorem non agnoscetes, per bellum, siquidem sine hoc nec Respubl. læsa defendi, nec jura ablata repeti possunt, ut adeo de justitia bellorum, quippe quæ nihil aliud, quam legitimam juris nostri tuitionem, involvunt, nullatenus dubitandum sit: at prudentia politica suadet, non temerè provolandum esse ad extremum hocce, quod ingens generi humano infert vulnus, remedium, Rectè ait *Cicero de Offic. cap. 1.* Cum duo sint genera disceptandi, unum per disceptationem, alterum per vim, cumquæ illud proprium sit hominis, hoc belluarum, confugiendum est ad posterius, si uti non licet priore. Omnia prius experiri, quam armis, sapientem decet, vera est & *Terentii* vox: Bellum incipere facillimum, finire difficillimum est. Præsupponit bellum justissimam causam, quæ ex sola injuria nascitur, suasorias causas ad bellum non sufficere, plenius exponit *Dn. Pras. in Tr. Jur. Nat. cap. 9. §. ult.* Cum autem in media pace de bello cogitandum, siquidem, monente *Tacito*, inter impotentes & validos falso quiescas. Is aded, qui negotiis bellicis præfectus est, accuratè sciat, quomodo arces rectè muniendæ, erigendæque munitiones, quomodo tuenda sint confinia, quibus tam bello quam pace præsidiiis facta testæque conservanda: sciat exactè arma, armorumque genera, exercitia & omnem antiquorum rationem præliandi. Quæ nimirum cum præsentī rerum temporumque statu & conditione comparabit. Intelliget unius & alterius discrimen: equitum turmas & peditum cohortes suo ordine disponet: & quæ gens aut natio quæve in re præstet aliis, & quæ denique his vel emendandis, vel immutandis via inveniatur, non ignorabit. Noscet egregie sui Principis vires & ejus hostium, sive adversariorum: & utræque quantæ futuræ essent, si sociorum adjungerentur potentia, aut quantæ rursus,

rursus, si illa desituerentur. Quid postremo in presentiarum valeant, & quid progressu temporis valere queant, circumspiciet animo, tenebitque memoria præterita sui Principis & majorum bella, & prælia universa, quæ videlicet principia, progressus, consecutiones & eventus sortita sint, & quid qualesque res, & causæ, ad dandas & accipiendas utrinque conditiones, eos traxerint: attendet hostium vicinos, socios, confœderatos, & qui inimici esse possent. Nam deum eo modo non difficile erit judicare, si majores hostium fuerint vires, ut potius pacem quam bellum poscamus: & si erit secus, ut item contrarium experiamur. Et, si forte hostibus sumus inferiores, quibus rebus, an armis, an vero usu & exercitatione bellandi, an ducibus, præfectis, an pecuniis, an opinione & fama, amicis & sociis, an comitatu, an rebus similibus, disquirendum. Omnibus autem his rite examinatis & perspectis, acute & prudenter investigabit, quo facto fieri posset, ut non solum nos ab hoste tueamur, sed adeo fatigemus atque debellemus ipsum hostem. Est enim certum, viribus & potentia præstare intellectum. Præterea sciendum, quibus præsiidiis instructum esse oporteat militem, quibus centurionem, quibus ducem, quibus armis debeat indui, quomodo colligendæ sint copiæ, quomodo ductandæ, quomodo metanda castra, quomodo confligendum sit, quomodo canendum receptui, aut verò hostis fugiens persequendus: præstetne expectare adventantem domi, an in hostico aggredi hostem: quid demum exorto bello, quid ante & confecto prælio, sive vincas sive vincare, evenire possit, pariter considerandum, & huc spectant, quæ Autor circa officia militaria monet. *Conf. Seccend. Bestallung eines Ober-Commend. sub n. 7.*

§. XII.

Ex Pufendorff.

Quorum opera civitas apud externos utitur, cauti sint & circumspecti, inania à solidis, vera

D

à fa-

à fabulosis discernere callidi, secretorum tenacissimi, pro utilitate sua civitatis adversus quaslibet corruptiones obstinati.

EXEGESIS.

§. 12. De
officio lega-
torum re-
misiſſive.

Magna citra dubium legatorum, qui Principum personam repræsentant, dignitas, vis & autoritas est, quorum sanctionia, sive belli sive pacis tempora respicias, ex ipsis naturæ legibus resultat. Ut enim bello tandem aliquando finis imponatur, & ut commercia, fœdera aliaque negotia publica cum maximo publici fructu stabiliantur, necessum erat, aliquas personas, ad ineundam pacem instructas, singulari immunitate & inviolabilitate muniri. Quo graviora igitur sunt publica, quæ totum territorium statumque publicum tangunt, negotia, eo major fides, dexteritas, experientia, autoritas, candor & non simulata philosophia in legato requiritur, quo de pluribus quidem ex professo agi posset, nisi præter alios *Kulpifus* & *Wicquefortius* integris hanc materiam, quæ tamen, si ceremonialia spectes, multifariis exposita mutationibus, tractatibus exhibuissent.

§. XIII.

Ex Pufendorff.

Qui opibus civitatis colligendis aut dispensandis præsent, caveant ab omni non necessaria acerbitate, nec ob proprium questum, aut per petulantiam vel malignitatem animi, oneris quid adjiciant; publici nihil intervertant; quibus de publico quid solvendum, illis citra moras non necessarias satisfaciant.

EXE-

EXEGESIS.

Debet Princeps Reipubl. & belli & pacis temporibus tueri: cum verò infiniti ad hunc finem consequendum sumtus sint impendendi, opibus enim est opus, sine quibus nihil fit, quod est opus, proinde subditi, uti tranquillitatem anhelant, ita quoque sumtus, ad hunc scopum necessarios, expendere debent: non tamen plus extorqueri debet, quam necessitates & insignes Reipubl. utilitates requirunt, & ita hæc onera, quantum fieri potest, temperanda sunt, ut quam minime cives iisdem affligantur. Deinde necessum est, ut istiusmodi sumtus & onera præstanda iusta in proportionem describantur, nec aliquibus civibus immunitates in fraudem & oppressionem reliquorum concedantur: tum quæ collecta sunt in usus Reipubl. impendantur, non per luxuriam, largitiones superfluas, ostentationem aut inania dissipentur. Denique providendum, ut erogationes redditibus respondeant, & qua hi non pertingunt, à parsimonia & circumcisis sumtibus non necessariis subsidium petendum. *vid. Autor. nostr. in Tract. de Offic. lib. 2. cap. 11. §. 10.* Incumbet igitur iis, qui colligendis aut dispensandis opibus civitatis præfecti sunt, cura omnium proventuum Principis tam descriptorum quam extraordinariorum: & quomodo congregare, custodire, tueri, amplificare ipsos proventus oporteat. Quomodo etiam extraordinarii sint exigendi, unde, quo tempore: postremo qua ratione tributum ipsum imperandum sit, & quo pacto imponi, augeri & promulgari sine damno & querela populorum queat. Nec verò non & illud advertendum est, ut etiam ea, quæ aut superflua, aut injusta, aut nociva & odiosa sunt, abrogentur; indeque cum robur civitatis in virtute & opibus civium consistat, & si subditi sunt divites, Princeps uberrimum peculium teneat, providendum erit, ut res familiaris civium gliscat. Ad hunc finem facit cives disponere, ut uberem proventum, si hoc qualitas territorii admittit, ex

§. 13. De arte & officii Cameræ præfectorum.


terra & aquis capiant, ut, quæ apud ipsos proveniunt, materiis industriam adhibeant, aut quem ipsi commodè laborem obire possunt, ab aliis non redimant, quod fit, si artes mechanicæ foveantur. Maximi quoque est momenti mercaturam, & in regionibus maritimis navigationem excolere, nec ignavia solum proscribenda, sed & ad parsimoniam revocandi cives per leges sumtuarias, quibus superflui sumtus prohibeantur, imprimis illi, per quos opes civium ad externos transferuntur. Et si majorem hæc, quam quævis leges, efficaciam obtinent summorum imperantium exempla. Præstabit autem, nec inconsultum erit, si aliqua summatim fundamenta, quomodo incrementa civitatum & regionum promoveri possint, adducamus. Et cum in multitudine civium, commercia exercentium, nervus Reipubl. consistat, proinde rustici iique opifices, qui commerciis suis, vulgò *denen* Manufacturen/ pecuniam in Rempubl. inferunt, multiplicandi. Per reedificationem desertorum in Republ. locorum reditus augentur, extranei alliciuntur, hospitationes diminuuntur, onera in plures pro commodo plurimorum dividuntur: quo nomine utile, si exules recipiantur & privilegiis afficiantur. Per agriculturam citra dubium commoda Reipublicæ maxime promoventur, quem in finem qualitas & natura fundi, an saxosus, an salebrosus, an arenosus, investigari debet: prata arboribus pomiferis circumdanda: cumprimis verò res pecuaria, & ut generosi optimique equi in Republica alantur & propagentur, prospiciendum. Ovium cultura quoad lanam, lac & simum infinitum præstat usum: idem de metallifodinis & sale dicendum, quales naturæ thesauri abditique recessus magis magisque inquiri, & in optimo conservari debebant statu. Per commercia jam dicta, quæ vocamus *die* Manufacturen/ infiniti homines sua capiunt alimenta, utileque esset, si societates mercatoriarum stabilirentur. Quod academice mirum in modum incrementa civitatum promoveant, experientia fatevinct. Ars braxatoria multas conservat

servat civitates. Artifices rarique opifices omni ratione conquirendi, eoque ulterius spectant, quæ in curioso tractatu, vulgò einer Probe/ wie ein Regent Land und Leute verbessern/ des Landes Gewerbe und Nahrung erheben/ seine Gefälle und Einkommen sonder Ruin derer Unterthanen billig-mässiger Weise vermehren/ und sich dadurch in Macht und Ansehen setzen könne/ plenius refert *Dn. Leib.* von denen banco, von des *Hn. Baron Schröders* Landesfürsten Wechsel/ von denen montibus pietatis, von der Feuer-Casse/ vom Münz-Wesen/ *Conf. Dn. Badin.* in der Fürstl. Macht-Kunst/ *Brunn. diff. de Incr. civitat.* & *Dn. Præsid. Tr. de Jurispr. Illustr. §. ult. ut & Dn. Seccendorff.* Bestallung eines Cammer-Raths oder Directoris bey der Rent-Cammer sub n. IV.

§. XIV.

Possent jam quidem de artibus & officiis opificum, rusticorum aliorumque plenius pluribusque agi, nisi temporis spatio exclusus Dissertationi meæ finem imponere cogat: Jura opificum suse exhibuit *Bayerus* in speciali tractatu. Interea hæc pro aliquali specimine academico sufficiant; DEO autem triuni, qui fons, caput & autor omnis boni, omnis justus est, immortales pro beneficiis mihi concessis gratias persolvo, Eique me measque actiones devotissime commendo.

Epilogus.



COROLLARIA.

I.

Nobilitas naturali rationi conveniens est.

II.

Status Imperii Nobiles creare possunt.

III.

III.

Nobilis in uno regno, est etiam talis in alio.

IV.

Adoptio, à nobili facta, adoptato ignobili non confert nobilitatem.

V.

Nobiles immediati non sunt status Imperii.

VI.

Testamenta statuum Imperii valent etiam sine solennitatibus Juris Civilis.

VII.

Transitus innoxius denegari nequit, & est Juris Naturæ.

VIII.

Status Imperii propriè non sunt subditi, quia sunt Coimperantes.

IX.

Stat⁹ Imperii habent jus civitates condendi.

X.

Status Imperii possunt certis in casibus fœdera pangere contra Imperatorem.

XI.

Victor in expensas condemnari potest.

AS † SV

